

ԱՐՍԵՆ ԳՐԻԳՈՐՅԱՆ

ՌԴ ՔԱՂԱՔԱԿԱՆ ՀԱՄԱԿԱՐԳԻ ԶԱՐԳԱՑՈՒՄՆԵՐԸ
(2000-2005ԹԹ.)

1. Վարչատարածքային կառավարման խնդիրները

Նախագահի ընտրվելուց հետո Վ.Պուտինի առաջին խնդիրը դարձավ ՌԴ-ն կենտրոնի և սուբյեկտների միջև սահմանադրական հակասությունների վերացումը: Աշխատանքն արդյունավետ կազմակերպելու համար նախագահը ՌԴ-ը բաժանեց 7 դաշնային օկրուգների¹, յուրաքանչյուրում նշանակելով նախագահի լիազոր ներկայացուցիչ²: Նրանք նախ և առաջ պետք է սեղմ ժամկետներում շտկեին հայտնաբերված բոլոր սահմանադրական շեղումները³ դաշնության սուբյեկտներում: Նախագահի քաղաքականությունը արտաքուստ հիշեցնում է ցարական Ռուսաստանի նահանգապետական կառավարման մեթոդներին⁴:

Վարչա-տարածքային խնդիրների շարքին էր պատկանում ՌԴ-ն Վերին պալատի՝ Սենատի կազմի ձևավորման սկզբունքների փոփոխության հարցը (խոսքը վերաբերվում էր Վերին պալատի ներկայացուցիչների ընտրման կարգին): Իբրև օրենսդիր մարմին Սենատը կայացած չէր⁵: ՌԴ-ն Վերին պալատը բաղկացած էր շրջանների ղեկավարներից, օրենսդիր մարմինների ղեկավարներից: Նախագահի առաջարկը շատ տրամաբանական և պարզ էր.

- բացառել տեղական գործադիր ներկայությունը սենատում,
- փոխարինել այն շրջաններից ընտրվող ներկայացուցիչներով,
- դարձնել այն մշտական գործող օրենսդրական մարմին⁶:

Նախաձեռնությունը չոգևորեց սուբյեկտներին: Վերջիններս օրինագծին դեմ քվեարկեցին, իսկ Պետ. Դումայում օրինագծի քննարկման անսնա-եռանդուն շրջանում նախագահը առաջարկեց «համաձայնեցնող հանձնաժո-

¹ Указ Президента РФ N 849 от 13 мая 2000 г. № 849 “О полномочном представителе Президента Российской Федерации”

² А.Усятин., Политическое управление и его территориальные аспекты: российский опыт., 2005г., Ст. 229-235.

³ Նույնը. Ст. 221-229, Указ Президента РФ N 849 от 13 мая 2000 г. № 849 “О полномочном представителе Президента Российской Федерации”

⁴ Л.Новикова, И.Сиземская., Три модели развития России., М 2000г., Ст. 35-37.

⁵ И Гранкин., Парламент России., М 2001г., Ст. 52-53.

⁶ Государственная Дума Федерального Собрания РФ, третий созыв, Сборник, Заседание: 41(489)19.07.2000., Бюлл. N 41(489) Ч.1: Стр. 5-64

դով»⁷ ստեղծել օրինագծի արագ ընդունման համար⁸։ Հանձնաժողովը ստեղծվեց հուլիսի 8-ին և անցկացրեց 4 նստաշրջան⁹։ Շրջանները չէին ցանկանում կորցնել 1993-1998թթ ձեռք բերված լայն լիազորությունները¹⁰, միևնույն ժամանակ նրանք հասկանում էին, որ նախագահն ի վերջո կարող է հարցը դնել համաժողովրդական համարաքվեի¹¹ և խաղից դուրս վիճակում թողնել իրենց։

Սենատորների առաջադրումը հակասում էր իշխանությունների տարանջատման սկզբունքներին¹²։ Վարչա-իրավական համակարգի լիազորություններով օժտված օրենսդիր մարմինը պարարտ հող էր ստեղծում օրենքների նկատմամբ անհետևողական վերաբերմանի համար։ Սնիմաստ էր վերահսկողություն պահանջել այն մարմիններից, որոնց ղեկավարներն իրենք էին կազմում վերին պալատը ՌԴ-ում¹³։ Ներկայանալով իբրև օրենսդիրներ նրանք այնուհանդերձ զուրկ էին մշտական գործունեության լիազորություններից¹⁴։ Վ.Պուտինի առաջարկը շատ պարզ լուծման տարբերակ էր, որը փոփոխություն չմտցնելով երկրի քաղաքական համակարգի մեջ վերափոխում էր նրա առանձին մարմնի ներքին կառուցվածքն ու հավասարակշռում նախկին բևեռացված վիճակը։ Այս հարցի շուրջ շատ իրարամերձ տեսակետներ են հնչում¹⁵։ Արդյունքում օրինագիծը ընդունվեց սկզբնապես Պետ Դումայի կողմից 2000թ. հուլիսի 19-ին¹⁶, իսկ հետագա լարված քննարկումներից հետո նաև Դաշնային խորհրդի կողմից՝ 2000թ. հուլիսի 26-ին։ Ընդունվեց հակառակ Սենատում տեղ գտած տրամադրությունների, որի արդյունքում այն ձգձգվեց։ Պարադոքսն այն է, որ սահմանադրական օրինագծի փոփոխման հարցում Վ.Պուտինի «Սխառությունը» լիարժեք օժանդակություն գտավ ի դեմս «Կոմկուսի»¹⁷ ինչը ևս ծանրակշիռ փաստարկ դարձավ սուբյեկտների ղեկավարներին սաստելու համար։ Արդյունքում «ՌԴ-ն Դաշնային խորհրդի կազմավորման մասին» օրենքով¹⁸ վերին Պալատը այսուհետ կազմավորվելու էր շրջանների ներկայացուցիչներից։ ՌԴ-ն յուրաքանչյուր սուբյեկտ ներկայացնում էր երկու պատգամավոր, որոնցից մեկին ընտրում էր տվյալ սուբյեկտի օրենսդիր մարմինը,

⁷ Государственная Дума Федерального Собрания РФ, третий созыв., Сборник.: Заседание: 41(489) 19.07.2000., Бюлл. N 41(489) Ч.1:Стр.5-6.

⁸ Независимая газета. 72 (2134) от 20. 04. 2000г.

⁹ Государственная Дума Федерального Собрания РФ, третий созыв.,Сборник.:Заседание: 41(489) 19.07.2000., Бюлл. N 41(489) Ч.1: Стр.5-64

¹⁰ Новая Газета. № 48 от 10. 07. 2000 г.,Ст 1,3.

¹¹ Конституция РФ., М 1996г., статья 84., Ст. 36.

¹² Конституционные (Государственное) право зарубежных стран. Т.1-2., М. 1996г. Ст. 310

¹³ И.Гранкин. Парламент России., М.2000г., Ст.40..

¹⁴ Նույնը Ст. 43-44.

¹⁵ Аргументы и факты, N 37, Сентябрь 2000г., Ст 1-4.

¹⁶ Стенограмма заседания Гос думы. 19 июня 2000г. Фонд УИС. Россия. Сборник документов.

¹⁷ Նույնը, ст 4.

¹⁸ Российской газете, № 152, 08.08.2000 г.

մյուսին՝ սուբյեկտի ղեկավար: Պատգամավորների լիազորությունները գործում էին այնքան, որքան գործում էր նրանց լիազորող մարմինը¹⁹: Սակայն ՌԴ-ն սուբյեկտների ներկայացուցիչների կողմից այն հավանության արժանացավ մեկ այլ պատճառով: ՌԴ-ն սուբյեկտների նման ընդդիմադիր կեցվածքը գալիս էր դեռ 90-ականներից: Դրա միակ պատասխանատուն Բ.Ելցինն էր, քանի որ նրա դաշնային քաղաքականությունը չէր համապատասխանում իր դիրքին²⁰: Սուբյեկտներին համոզելու համար պետք էր այլ ծանրակշիռ փաստարկ: Վ.Պուտինը գնաց վճռական քայլի՝ առաջ քաշելով «Պետական խորհրդի» գաղափարը²¹: Այն քննադատվեց դումայական խմբավորումների կողմից²², բայց ՌԴ-ն սուբյեկտների ղեկավարները հասկացան առաջարկի էությունը: «Պետական խորհուրդն» այն հրապարակն էր, որտեղ նախագահը Սուբյեկտների ղեկավարների մասնակցությամբ քննարկվելու էր ՌԴ-ն ռազմավարական հարցերը²³: Սուբյեկտների զիջեցին Սենատի հարցում²⁴ «Պետական խորհրդում» տեղ ունենալու համար²⁵:

Այնուհանդերձ գործադիր իշխանության աշխատանքները արդյունավետ կազմակերպելու համար անհրաժեշտ էր կարգի բերել իշխանական հորիզոնը, ինչը ՌԴ-ն ներքաղաքական հարաբերությունների հիմնական կռիվախմբերն էր: Այս խնդիրը իշխանության թևերի առնակատման պատճառ դարձավ (1992-1993թթ)²⁶: Թեև Բ.Ելցինի 1993թ. սեպտեմբերի 21-ի նախագահ N1400 հրամանագրով ՌԴ-ում հաստատեց «Սուպերնախագահական» պետական կարգը, բայց ստեղծված հասարա-քաղաքական անբարենպաստ պայմաններում գործնականում ի գործու չեղավ լուծվել իշխանական հորիզոնի խնդիրը²⁷: 1993-1999թթ. ցույց տվեցին, որ Ղաշնության սուբյեկտները ի վիճակի չեն լուծել առկա սոցիալ-տնտեսական խնդիրները տեղերում²⁸: Այս հարցում վերջակետ դրեց Վ.Պուտինը 2004թ. մարտի 9-ին «Գործադիր իշխանության Ղաշնային մարմինների համակարգի և կառուցվածքի մասին»²⁹ օրենքով, որով վերացվեցին ավելորդ նախարարությունները 30-ից հասցվելով 17-ի³⁰:

¹⁹ Сборник Законов РФ. М. 2000. № 32. О порядке формирования Совета Федерации Федерального Собрания Российской Федерации. Ст. 333б.

²⁰ Д. Ольшанский. Политическая психология, СПб., 2002г., Ст. 163-168

²¹ Аргументы и факты N 33, март 2001г. Ст. 5.

²² Коммерсантъ, № 138 (2023) от 29.07.2000

²³ Деловая газета. N 39(70) от 05.10.2000

²⁴ Деловая газета N 37(112) от 18.09.2001

²⁵ Аргументы и факты N 32, август 2000 г. Ст. 9

²⁶ О. Румянцев. Из истории создания Конституции РФ. (1990-1993 гг.) Т. 3., Ст. 957.

²⁷ Независимая Газета., 80 (2142) от 04. 05. 2000г.

²⁸ Коммерсантъ № 232 (2362) от 20.12.2001

²⁹ Указа Президента Российской Федерации от 9 марта 2004г. № 314. "О системе и структуре федеральных органов исполнительной власти", Сборник Законов РФ 2001. № 7, Ст. 608

³⁰ Լուկսը

Հակառակ համեմատական ավելացան դաշնային ծառայություններն ու գործակալությունները: ՌԴ-ն սուբյեկտները զրկվեցին մինչ այդ ունեցած գործադիր լիազորություններից:

2. Անվտանգություն խնդիրները

ՌԴ-ն ինքնավարության հռչակումից սկսած մինչ Վ.Պուտինի նախագահությունը այս հարցը մշտապես գտնվել էր երկրորդական խնդիրների շարքում: Այստեղ իր ազդեցությունն ունեցավ Վ.Պուտինի անվտանգության համակարգին մոտիկ լինելը: Նախագահը բացառեց որևէ տնտեսական ծրագրերի առաջադրումն ու իրագործումը առանց անվտանգության հայեցակարգի մշակման³¹ և անվտանգության նոր ուղենիշների հաստատման³²: Փոխվել էր վարչակազմը, փոխվել էր պետության քաղաքական կառուցվածքը, սակայն խնդիրը մնացել էր: Դեռ թարմ էին 90-ական թթ.-ների անվերահսկելի սեփականաշնորհման բացասական արդյունքները³³: Առանց այդ խնդրի լուծման հնարավոր չէր երկրի կայուն տնտեսական զարգացման որևէ հեռանկար: Այդ պայմաններում հասարակության մեջ ուրվագծվում էր լուծման երկու տարբերակ.

ա.) Քաղաքական դիկտատուրա

բ.) Օրինականացված անարխիա

Առաջին տարբերակն արդեն փորձարկվել էր: Արդյունքները հուսադրող չէին: Երկրորդում երկիրը հայտնվել էր ԽՍՀՄ իրավա-քաղաքական համակարգի փլուզումից հետո: Վ.Պուտինը ընտրեց երրորդ ուղին՝ «Օրենքի դիկտատուրան»³⁴: Ձևակերպումը լավագույնս արտահայտում է այն քաղաքական միտքն ու գործելակերպը, որը տեղ գտավ Վ.Պուտինի կառավարման ընթացքում: Եվ այն առաջվել կոշտ դրսևորվեց հատկապես անվտանգության համալիրի վերափոխման ընթացքում: Առաջին կետը բանակի վերազինման ու Ռազմա-Արդյունաբերական Համալի գործունեության³⁵ նոր ուղենիշների հաստատումն էր³⁶: Արդյունքը 2001թ. ընդունված ՌԴ-ն ՁՈւ-ի կառուցման ծրագրերն էին³⁷: Ստեղծումը այսպիսին էր, ուժեղացնել բանակի որակական կողմը՝ շեշտը դնելով նրա մոբիլիզացիոն պոտենցիալի վրա³⁸, իսկ վերափոխումը կատարել առկա բյուջետային միջոցների վերաբախումով³⁹:

³¹ Указа Президента Российской Федерации от 10 января 2000 года N 24, о внесении поправок в Концепцию национальной Безопасности.

³² Российская газета., 15 февраля 2000г., Ст. 1.

³³ Известия N 197., 13 октября 1994г., Ст. 1: N 146., 1 сентября 1995г., Ст. 1.; Аргументы и Факты N 32 сентябрь 1996, ст. 5.

³⁴ Независимая газета 94 (2156) от 25.05.2000

³⁵ Власть № 48 (450), 04.12.2001

³⁶ Независимая газета 16.03.2000

³⁷ Мировая экономика и международные отношения., М 2004, № 8, Ст.68.

³⁸ Н Рыжков., Главный свидетель., М 2009г., Ст 227-228.

³⁹ Независимое военное обозрение 27.07.2001 г.

Անվտանգության ոլորտի հաջորդ քայլը վերաբերվում էր ներքին գործերի նախարարությանն ու Դաշնային անվտանգության ծառայության դերակատարման հստակեցմանը: Առաջին տեղում տնտեսական միջավայրի վերահսկողության խնդիրն էր⁴⁰, ինչի համար «Հարկային Ոստիկանությունը»⁴¹ ձևավորվեց առանձին կառույցի: Սրանով սկսեց «հավասար խաղի կանոնների» հաստատումը վերևից⁴²:

3 Սոցիալ-տնտեսական խնդիրները

Նշված ուղղությամբ կատարված լուրջ քայլերը նպատակ ունեին ապահովելու սոցիալ-տնտեսական վերափոխումների բարենպաստ միջավայրը: Կառավարությունում ոչ բոլորն էին գոհ այդ քայլերից: Սակայն հարցն ուներ երկրորդ կողմը: Վ.Պուտինը դեմ էր Համաշխարհային բանկի կողմից տրամադրվող խոշոր միջազգային վարկերին, գտնելով, որ ՌԴ-ը ունի անհրաժեշտ ռեսուրսները տնտեսական դիմամիկ զարգացման համար⁴³, ինչի համար 2005թ չտապ կարգով ՌԴ-ն կառավարությունը մարեց բոլոր միջազգային վարկերը և հրաժարվեց նոր վարկերից⁴⁴:

Այս ընթացքում կառավարությունը ընդունեց մի շարք առանցքային օրինադրեր: Մասնավորապես հարկային շեմը իջեցվեց մինչև 13%, իսկ ավելի ուշ նաև որոշ դեպքերում հանվեց ավելացված արժեքի հարկը (НДС)⁴⁵: Սրոյունքում 2002-2003թթ. տնտեսական աճը կազմեց 7%⁴⁶: Կարող է տպավորություն ստեղծվել, որ այս քայլերը բխում էին նաև մոնոպոլիստների շահերից, սակայն դա այդպես չէր: Բանն այն էր, որ նրանց մեծ մասը կամ աշխատում էր կառավարության հովանու ներքո, կամ էլ ինքն էր նրա անդամ⁴⁷: Բնականաբար այդ պայմաններում նրանք չէին վճարում նախատեսված հարկերը: Նրանց դժգոհությունը ոչ թե հարկերի բարձր կամ ցած լինելու մեջ էր, այլ առհասարակ դրանց չվճարելու: Սոր խաղի կանոնները ամեն առումով «ձեռնտու» չէին նրանց: 2000-2004թթ. դարձան բնակչության սոցիալական բարելավման տարիներ⁴⁸: Մոտեցումը թելադրված էր պետության կայուն հենարան ստեղծելու նպատակով: Սրոյունքը նրանց կենսաթոշակի բարձրացումներն էր:

4. Մշակութային խնդիրները

⁴⁰ Аргументы и факты., N 31, 2000г., Ст 4

⁴¹ Указ президента РФ от 02.01.2000 г. N 1272.

⁴² Коммерсантъ № 147 (2516) от 20.08.2002

⁴³ Ю.Борисов. Владимир Путин. М 2001г., ст. 441-444.

⁴⁴ Коммерсантъ Власть № 5(608) 07.02.2005 г

⁴⁵ Налоговый кодекс РФ. Часть вторая (117-ФЗ от 5 августа 2000). Глава 23. Налог на доходы физических лиц: Сборник Законов РФ, М 2001 г., ст. 2289.

⁴⁶ Новая Газета. Касянов отчитался за 2003г год.

⁴⁷ Литературная газета N32-33 от 9-15 августа 2000.

⁴⁸ Сборник Законов РФ. М 2001г., Указ Президента РФ №1815 от 2 ноября 2000 г.; и . Указ Президента РФ от 27.09.2000 N 1709.

ՌԴ-ն ինքնավարության հռչակումից սկսած մշակույթի զարգացման խնդիրը ևս թողնված էին ինքնահոսի: Սակայն 2000-2005թթ իրավիճակը այս հարցում փոխվեց հասարակության ներսում արտացոլելով երկու հակադիր բևեռներ:

ա.) Մշակույթը կարող է անկախ լինել պետությունից և զարգանալ ինքնահոս

բ.) Այն պետք է ծառայի պետությանը ելնելով ՌԴ-ն պետական շահերից

Այստեղ զգացվում է մշակութային դաշտը պետության հսկողության տակ վերադարձնելու ձգտումը: Կրեմլը ցանկանում է մշակութային դաշտն ամբողջությամբ բևեռել պետության միասնականության գաղափարի շուրջ: Սա լուրջ խնդիր է: Վերածնվող ուղղափառության պայմաններում խորհրդային գաղափարախոսության վերականգնումը անհնար է: Առանձին վերցրած նրանք կարող են նպաստել այդ գործընթացին: Կրեմլը իր քայլերը սկսեց պետական խորհրդանիշներից: Հիմնի, դրոշի և զինանշանի շուրջ երկար քննարկումներից հետո Կրեմլի, Ղումայի⁴⁹ և Սենատի ընդհանուր համաձայնությամբ ԽՍՀՄ հիմնը⁵⁰ հաստատվեց իբրև ՌԴ-ն հիմնը⁵¹: Տեքստը սակայն փոխվեց⁵²: Ցարական Ռուսաստանի կրողն որպես այդպիսի գոյություն չունեք, քանի որ 70 տարիներն այն արմատախիլ անելով վերափոխել էին, կերտելով սոցիալիստական հասարակության էքսպրեսմենտալ տարբերակ⁵³: Փոխարենը դեռ ողջ էին խորհրդային արժեքներով և գիտակցությամբ դաստիարակված քաղաքացիները⁵⁴: Խորհրդային գերբը դարձավ բանակի խորհրդանիշ: ԽՍՀՄ գոյության ընթացքում ՌԴ-ում ապրող ժողովուրդը ունեցել էր բազմաթիվ էջեր, որոնք սրբություն էին նրա համար, որոնցից մեկը Հայրենական մեծ պատերազմն էր: Հետևաբար իբրև պետական գերբի ընտրեց ցարական Ռուսաստանի երկգլուխ արծիվը⁵⁵, իսկ խորհրդային շրջանում հասարակության համար սրբություն համարվող Հայրենականի հիշատակը կցվեց ՌԴ-ն բանակին: Ստացվեց հին և նոր խորհրդանիշների տրամաբանական սինթեզ: Պետականության հարցում հաստատվեց շարունակականությունը՝ հանձինս ռուսական վաղեմի եռագույն դրոշի, բանակին կցված Կարմիր դրոշի և հնգանիստ աստղի:

⁴⁹ Государственная Дума Федерального Собрания РФ Третий созыв., стенограмма заседания 08.12.2000г., Бюлл. N 64(512) Ч.1:Стр.6-6, 26, 30, 34.

⁵⁰ Коммерсантъ № 228 (2113) от 05.12.2000

⁵¹ Федеральный конституционный закон от 25 декабря 2000 г. N 3-ФКЗ, О Государственном гимне РФ

⁵² Указ Президента РФ "О тексте Государственного гимна Российской Федерации" 30.12. 2000 г., № 2110

⁵³ Российская Газета., 30. 12.1999г. В.В. Путин., "Россия на рубеже тысячелетий.»

⁵⁴ Коммерсантъ № 228 (2113) от 05.12.2000

⁵⁵ Деньги № 50 (303) от 20.12.2000

Վ. Պուտինն ու իր թիմը գնացին փորձված ռազմավարությամբ՝ օգտագործել հին արժեքային համակարգը և ամրապնդել նոր ձևավորվող քաղաքական համակարգի հիմքերը: Շատ ավելի ծանր վիճակում էին կրթության և գիտության համակարգի խնդիրները: 1990-ական թթ-ներին 4-5 անգամ ընկել էր կադրերի համալրման տեմպերը⁵⁶: Բարձրորակ մասնագետների ավելի քան 60%-ը հեռացել էին արևմուտք առավել բարեկեցիկ կյանք գտնելու ակնկալիքով⁵⁷:

2000թ. հոկտեմբերի 4-ին կառավարությունն ընդունեց կրթության համակարգի զարգացման հայեցակարգը⁵⁸, որը մամրամասն քննարկվել էր ՌԴ-ն Պետական խորհրդի փակ նիստում: Հայեցակարգն առավել գործնական հիմքերի վրա տեղափախվեց միայն 2001թ. դեկտեմբերի 29-ին⁵⁹, ծրագրի իրագործումը դնելով երկարաժամկետ հիմքերի վրա: Որոշվեց Պաշտային և շրջանային կրթահամալիրների համամասնությունը: Համապատասխանաբար 20% և 80%⁶⁰:

Նման ծրագրերի ներդրումն ինքնին շատ արդյունավետ էր երկրի զարգացման համար: Սակայն կար մի բաց, որը հնարավոր չէր լրացնել այդ միջոցառերով, խոսքը վերաբերվում է երիտասարդ կադրերի քաղաքում կենտրոնացման երևույթին: ՌԴ-ն ծայրամասերի սոցիալ-տնտեսական զարգացումն անհամաչափ էր ինչպես կենտրոնի այսպես էլ միմյանց միջև⁶¹: Երիտասարդ ընտանիքները առաջին տեղում դնում էին նյութական բարեկցությունն ու կարիերան⁶²: Եթե անգամ կրթության ոլորտում ընդունված ծրագիրը լուծեր մասնագիտական ճգնաժամի խնդիրները և աշխուժացներ տնտեսական միջավայրը, ապա ուրբանիզացիայի արդյունքում ստեղծված դեմոգրաֆիական բացը դրանով չէր լուծվի (տվյալ դեպքում խոսքը դաշնային կենտրոնների շուրջ անմախաղեպ բևեռացման մասին է) :

5. Դեմոգրաֆիական խնդիրը

ՌԴ-ն համար դեմոգրաֆիական խնդիրը ցավագիններից մեկն է: 90-ականներին վերափոխումների ընթացքում գործազրկության և աղքատության մեջ հայտնված բնակչությանը գերակշռող մասը չէր կարողանում ապահովել առօրյա մինիմումը: Նրանց զգալի մասը գալիս էր ՌԴ-ն կենտրոնական ու եվրոպական հատվածները, կամ հեռանում երկրից: Վիճակը հատկապես ծանր

⁵⁶ По данным Министерства Просвещения и Образования (МОПО) 2000г.

⁵⁷ Независимая газета, 25 (2087) от 11.02.2000

⁵⁸ Постановление Правительства Российской Федерации от 4 октября 2000 года, № 751.

⁵⁹ Распоряжение Правительства Российской Федерации 29 декабря 2001 года, № 1756-р.

⁶⁰ Аналитический вестник Совета Федерации ФС РФ. -2005. -№ 04 (256)

⁶¹ Регионы России: Социал-Экономические показатели. Статистический сборник. М 2002г. Ст. 103.

⁶² А. Михеева. Брак, семья, родительство: социологические и демографические аспекты: Новосибир. 2001 Ст. 28

եր հեռավոր արևելյան շրջաններում: Ըստ ՌԴ-ն իմիգրացիոն ծառայության միայն Հեռավոր Արևելյան տարածքի բնակչությունը 1991-2002թթ. դրությամբ 8.04 մլն-ից նվազել է 7. 04 մլն-ի⁶³: Կորուստը կազմել է մեկ միլիոն մարդ: Հեռացողը հիմնականում երիտասարդություն է: Ի լրումն 90-ականների ընթացքում արմատապես փոփվեցին բարոյա-էթիկական նորմերն ու ընտանիքի մասին նախկին պատկերացումները, որի արդյունքում կտրուկ ընկավ ծնելիության մակարդակը⁶⁴:

ՌԴ-ն կենտրոնական, Հյուսիս-Կովկասյան և Եվրոպական շրջանները ավելի բարվոք վիճակում էին, քանի որ մշտապես համալրվում էին այդ տարածքներին սահմանակից ԱՊՀ երկրներից մշտական ներգաղթով, ինչը բացատրվում էր այդ երկրների ցածր կենսասամակարդակով և աշխատանքային շուկայի բացակայությամբ: Սա էլ դարձավ այն բանալին, որով կառավարությունը որոշեց հակակշռել խնդրի հետևանքների: Ստեղծվեցին այսպիսին էր՝ փոխել իմիգրացիոն քաղաքականությունը, խրախուսել հատկապես ԱՊՀ երկրներից քաղաքացիների հոսքը դեպի ՌԴ-ն, ուղղել այն դեպի դեմոգրաֆիական ճգնաժամի շրջանները գործունեության նպաստավոր պայմաններ ստեղծելով նրանց համար⁶⁵:

Սա նախատեսում էր փոփոխություններ իմիգրացիոն օրենքում, ինչն էլ կատարվեց: 2003թ. մարտի 1-ին վարչապետ Մ.Կապսյանովը կարգադրություն ստորագրեց մշակել նոր իմիգրացիոն ռազմավարությունը և ներգրավել շրջանների ու իմիգրացիոն ծառայության շահագրգիռ մարմիններին⁶⁶: Նոր մշակված հայեցակարգի շուրջ միակարծիք չէին Պետ.Դումայում: Նրանք անթույլատրելի էին համարում ներգաղթի հաշվին դեմոգրաֆիական կորուստները փոխհատուցելու պոակտիկային⁶⁷: Այս բոլոր նախաձեռնության տրամաբանական շարունակությունը «ՌԴ-ն հայրենակիցներին վերաբնակեցման օժանդակելու մասին»⁶⁸ օրենքն է: Սակայն «հայրենակիցներ», բառի տակ հասկացվում էին նաև այն քաղաքացիները, որոնք ցանկանում էին վերաբնակվել ՌԴ-ն: Առաջին պահանջը ռուսերեն լեզվի լավ իմացությունն էր⁶⁹: Ծրագիրը գործում էր ԱՊՀ երկրներում: Նրանք վերաբնակեցնում էին այն հատվածը, որը դաստիարակվել էր խորհրդային մշակությամբ: ԱՊՀ երկրները ունեին առավել մոտ պատմական

⁶³ Аналитический Вестник № 9 (202) ст 56

⁶⁴ А. Михеева, Брак, семья, родительство: социологические и демографические аспекты. Новосибирск., 2001г., Ст. 27.

⁶⁵ О. Хараева Иммиграционная политика в Российской Федерации и странах Запада, Москва 2003 г. Ст 116.

⁶⁶ Правительство Российской Федерации. Распоряжение от 1 марта 2003 года № 256-р.

⁶⁷ Л. Рыбаковского., Г. Кареловой., Демографическое будущее России., М. 2001. Ст. 36.

⁶⁸ Информационный бюлеть: Государственная программа по переселению в РФ, Указ Президента Российской Федерации от 22 июня 2006 г., N 637. М. 2006 г. Ст. 3.

⁶⁹ Նույնը Ст. 4.

անցյալ, որի արժեքային համակարգի ձևափոխման գործընթացները ընթանում էին զուգահեռ: Նախընտրելի է վերաբնակեցնել նույն արժեքային համակարգով մտածող բնակչության, որոնք հեշտ կինտեգրվեն ՌԴ-ն պայմաններին: Ծրագիրը կրկնում է ցարական Ռուսաստանի վերաբնակեցման պրակտիկան⁷⁰, միայն այն տարբերությամբ, որ կատարվում էր հակառակ գործընթացը վերադարձ ռուսների և վերաբնակեցում ռուսացածների ու նրանց կողմնակիցների համար: Թեև այստեղ էլ վերաբնակեցման համար կար մեկ այլ նախապայման՝ հնարավորինս **զածո տարիքային զեւեզո**: ՌԴ-ն նոր կառավարությունը ընտրել էր դեմոգրաֆիական ճգնաժամից ելնելու էժանագին ճանապարհ:

6. Օրենքի դիկտատուրայի արդյունքները

Վ.Պուտինի առավել լայն վերափոխումների իրագործմանը կաշկանդում էր լուրջ հենարանի բացակայությունը: Նրա նախագահության առաջին շրջանի հիմնական նպատակը խաղի հավասար կանոնների հաստատմանն ուղղված հետևողական քայլերն էին: Հերթական հենարանը նրա համար դարձավ 2003թ. դեկտեմբերի 3-ին ՌԴ-ն Պետ Դումայի ընտրությունների արդյունքները: Որտեղ պարլամենտի ծայների 2/3 զբաղեցրին իշխանության կուսակցությունն ու կենտրոնամետ ուժերը, 306 մանդատ: Իսկ Կոմկուսը միայն 48⁷¹: *Единая Россия*- 223; *КПРФ*- 52; *ЛДПР*- 36; *Родина*- 37; Ուրիշ միություններ- 32; ինքնառաջարկածներ- 67:

Սա նշանակում էր, որ հետագա բոլոր քայլերը նոր կառավարությունը կարող էր կատարել առանց Դումայում խոչընդոտի հանդիպելու: Պաշնային խորհրդում ևս զգալի մանդատներ ստացան իշխանությանը սատարող գործիչները: Նման արդյունքը մասամբ պայմանավորված էր նրանով, որ *Единая Россия*-ի ավելի քան 30 պատգամավորներ շրջանային գործադիր իշխանության ներկայացուցիչներ էին, որոնք իբրև լոկոմոտիվ ծառայելով ընտրություններում, իրենց մանդատները թողեցին⁷²: Շատ լիբերալ գործիչներ անգամ դրա համար մեղադրեցին Կրեմլին հին տոտալիտար համակարգը վերականգնելու միտումների մեջ⁷³:

Ընտրություններից հետո 2004թ փետրվարի 24-ին նախագահը հրաժարականի ուղարկեց ՌԴ-ն կառավարությանը վարչապետ Մ.Կապսյանովին: Սինչ հերթական կառավարության ձևավորումը գործող կառավարության ղեկավարի ժամանակավոր պաշտոնակատար նշանակվեց Վ.Նրիստենկոն⁷⁴:

⁷⁰ С.Лурье. Историческая этнология., Модель русской крестьянской колонизации, М. 1997г. Ст. 245.

⁷¹ Результаты ЦИК. На выборах Государственной Думы РФ. Информационный бюллетень от 3 декабря 2003г.

⁷² Фонд Эберта. Российская партийная система: нынешнее состояние и перспективы развития. М. 2005г., Ст. 29.

⁷³ Независимая Газета 1 (3114) от 12.01.2004г.

⁷⁴ Независимая Газета., 37 (3150) от 25.02.2004г.

Վ.Պուտինը 2004թ. մարտի 1-ին նոր միայն, ընդունեց կառավարության հրաժարանը: Վարչապետի պաշտոնում առաջադրեց Սիխայիլ Ֆրադկովի թեկնածությունը: Դուժան այն հաստատեց մարտի 5-ին⁷⁵: Տեղեկանքի կարգով նշենք, որ մինչ այդ նա ղեկավարել էր ՌԴ-ն Հարկային ոստիկանությունը: Այս գործիչը շատ խնդիրներում կոշտ դիրքեր ունեւր մոնոպոլիստների նկատմամբ⁷⁶:

2004թ. մարտի 14-ի նախագահական ընտրությունները անցավ ընտրողների շատ բարձր ակտիվությամբ, վերլուծաբանները դա գնահատեցին իբրև ավտորիտարիզմի չափորոշիչ⁷⁷: Վ.Պուտինի պարագայում շատ մեծ էր նաև նրա քաղաքական խարիզմայի գործոնը: Նման իրավիճակը հնարավորություն է տալիս քաղաքական իշխանության համար հենարան դարձնել նույնիսկ ընտրազանգվածի այն հատվածին, որոնք դեմ են տարվող սոցիալատետսական քաղաքականությանը, սակայն համակրանքով են մոտենում երկրի լիդեռին: Նման մոտեցումը ՌԴ-ն որոշ տեսաբանների մոտ հիմք տվեց հայտարարելու, որ հասարակությունը անկենսունակ է⁷⁸: Նախագահական ընտրության արդյունքներն այսպիսին էին: Վ. Պուտին (Եդինստվո) 71.31%, Ն. Նարիտոնով (ՌԴԿԿ) 13.69%, Ս.Գլազեվ (Ռոդինա) 4.1%, Ի.Նակամադա (Աջ ուժերի միություն, դեմոկրատներ) 3.84%, Օ.Սալիշկին (ՌԼԴԿ) 2.02%, Ս.Սիրոնով (Դաշնային Խորհրդի նախագահ) 0.75%:

Վ.Պուտինը կատարեց մի բան ինչը չէր հաջողվել անգամ Բ.Ելցինին՝ իր կողմը գրավել Կոմկուսի ընտրազանգվածի 50%-ը: Ընդ որում ինչպես դուժայական, այնպես էլ նախագահական ընտրություններում: 2004թ մայիսի 4-ի Վ.Պուտինի երդմնակալության արարողությամբ ՌԴ-ը թևակոխեց նոր զարգացման փուլ, որը տալիքերվում է իր որակներով:

⁷⁵ Российская газета. Центральный выпуск N 3424 от 10 марта 2004 г.

⁷⁶ Новая газета. № 15 от 04 Марта 2004 г

⁷⁷ Независимая Газета. 51 (3164) от 16.03.2004

⁷⁸ Независимая Газета. 50 (3163) от 15.03.2004